

Johannes Freder


De Helisæo Propheta, fideli iuuentutis Rectore, Oratio Johannis Frederi, Habita cum ViceRectoris munere fungeretur, in reuerendi clarissimiq[ue] viri, Davidis Chytræi, Rectoris Academiae Rostochiensis renunciatione, XI. Cal. Marj. Anno CI I XVC.

Rostock: Myliander, 1586

<http://purl.uni-rostock.de/rosdok/ppn1757673318>

Druck Freier  Zugang






176
A-E
A-B
A-B. 12 Pi
A-E
A-C
A-C
A-B
A-C
A-E
A-B
A-B
A-B
A-B
A-B
A-C
A-E

Im - 4303¹⁻²⁷
5/11

17



DE
HELISÆO

Propheta, fidei iuuen-
tutis Rectore,

ORATIO

JOHANNIS FREDERI,

Habita cum ViceRectoris munere
fungeretur, in reuerendi clarissimiq; viri,

DAVIDIS CHYTRÆI,

Rectoris Academiae Rostochiensis
renunciatione, XI. Cal.

Maij. Anno

CID ID XVC.




ROSTOCHII

Typis Myliandrinis.

Anno 1586.

9.



Patritio genere, & ingenio felici, VVAL-
THERO BOSCHARDO, Ant-
uerpiensi, conuictori & fa-
miliari suo,

IOHANNES FREDERVS.

Optima virtutis via cōmendanda iuuentæ:
Qua venit amplus honos, gloria verā
venit.

Hæc via laude vehi dignissima, dulcia vitæ
Præmia venturæ post capit, huius habet.

Hæc igitur VVALthere tibi gratissima, pulcro
Cœpta labore, pia continuanda fide.

Multa quidem nostro sunt peruersissima seculo:
O mores, ô quæ tempora conspiciamus?

Flectere quæ tentant iuuenes de tramite recto:
Et faciunt, quando pectora læua patent.

Sunt aconita quidē fugienda, sed agmina praua
Dedita luxuriæ sunt fugienda magis. (nēdo

Qui monet, vt fugias, quod iam fugis, ille mo-
Laudat: laus magnū candida calcar habet.

Laus ea grata Deo est, ea patri laude nitenti,
Matri laudatæ laus ea pulcra tuæ.

Tu quia te iungis mihi, te mihi iungo vicissim;
Pignus amicitiaē qui tibi dono meæ.

Indolis egregiæ iuuenes complector amore
Ob fidei, morum, Pieridumq; decus:

Hoc decus hæc præsens Oratio gratius illis,
Fallor an? efficiet nobiliusq; tibi:

Te via virtutis, te suavis gratia morum
Ornat & ingenuæ mentis & artis amor.

Ne lolium lappæq; tibi tribulicq; nociui
Sint opto; felix sit tua vita. Vale.

ORA-

ORATIO.

Hodierna die 21. Aprilis, triginta quatuor anni sunt, cum primam in hac Academia praedicationem suam meus socer, Reuerendus & clarissimus vir, Doctor David Chytraeus, proximi semestris aestiui Rector, ut audiistis, denuo electus, habuit: à quo nunc incommodius valente, vices officij Rectoris, iam, ipsius nomine & loco, subire iussus sum.

Cum igitur in hoc publico Academia congressu leges consuetudoq; Scholae vetusta & laudabilis necessitatem dicendi aliquid de

A 2

scho-

scholis et gubernatione scholastica
imponant: breui oratione, ut ante
annum patroni & defensoris pia-
rum scholarum S. Georgij imagi-
ne expressi: ita nunc optimi & fi-
delissimi Rectoris Scholæ HEL-
SÆI historiam in sacris Regum
libris expositam, commemorare
institui: Quæ multas, tum regen-
tibus scholas, aliosq; docentibus,
tum iuuentuti scholasticæ admoni-
tiones non inutiles nec ingratas (ut
spero) continebit. Itaq; reueren-
ter à vobis viri nobilissimi ac cla-
rissimi, et collega observandi, studio-
sissimiq; iuvenes peto, ut de scho-
lastico hoc nostro vitæ genere uti-
lia et salutaria pro ingenij mei te-
nuita-

nuitate tenuius et simplicius dicen-
tem, benignè attendeq; audiatis.

Cum Helias Thesbites Doctor
et Gubernator ecclesie Dei prima-
rius, multos iam annos Scholis &
Ecclesijs Israëliticis fideliter et fe-
liciter præfuisse: & Helisæum
Saphati filium primò discipulum,
deinde collegam sibi adscivisset:
Deus præstiterat ab ipso et præclare
omnibus pijs probatas docendi re-
gendiq; alias operas, premijs insi-
gnibus ornaturus, flammeis san-
ctorum angelorum cateruis comi-
tatum senem pium, non degustata
mortis acerbitate, viventem, suo
corpore, in cælum, quemadmodum
Enochum, ad vitæ melioris gau-

A 3 dia

dia transferre decreuerat, indicio
exemploq; manifesto toti posterita-
tati relicto demonstrans aliam sus-
peresse vitam, in qua, pij Rectores
scholarum, perpetuis laboribus,
molestijs, angoribus, curis, ingrati-
tudine, calumnijs, & odijs guber-
natorum, collegarum, et aliorum,
in quos summa vera doctrina &
disciplina beneficia contulerant,
excruciati & defessi suauissima
quiete & gloria vicissim sint frui-
turi. Eliseus autem fidelis et gra-
uis Helia discipulus, qui preceptori
diligentissimè auscultauerat, eiq;
aquam super manus (ut scriptura
phrasi utar) fuderat, hoc est, omni
officiorum genere expeditissimus
et prom-

Et promptissimum studium Et ob-
servantiam preceptori suam pro-
bauerat: inuitus à Doctore Et re-
ctore suo secedere voluit. sed cū eo-
dem illi visum dulce fuit viuere,
dulce mori. sicut etiā Xenocrates à
preceptore suo Platone se non pas-
sus est auelli. Cum igitur ambo
ad ripam Iordanis venissent, ubi
propheta Et postea Iohannes ba-
ptista soliti fuerunt scholis præesse,
et iuuentutem ad pietatem et hone-
statem informare: pallio suo He-
lias percussum diuisit flumen Et
Helisæum petere à se aliquid ius-
sit, priusq̄ ab eius consuetudine et
familiaritate dulcissima diuellere-
tur. Elisæus igitur vestigijs He-

lia in docenda & gubernanda ec-
clesia insistere, & plantare celos ac
fundare terram, ut Esaias loqui-
tur, & multis hominibus ad ve-
ram Dei agnitionem & eternam
salutem, & alios in his terris do-
cendos & regendos, exemplo ma-
gistri, utiliter seruire, nec tamen
Helia exaequari, eumise superare
cupiens, duas partes spiritus seu
donorum Elia secum communica-
ri exoptat, ut Dei Ecclesia et scho-
lis in populo Israël maiori cum
utilitate & fructu possit praesse.
Quia sine peculiari auxilio Dei et
Spiritus sancti numine nemo po-
test esse idoneus & salutaris Ec-
clesiae vel Scholae Rector & doctor:

OUTE

Οὔτε θεὸν γῶνα διδάσκει βροτῆς: οὔτε διδάσκει
ὄσῃς ὁδηγητῶν μὴ θεὸν αὐτὸ ἔχει. (σκην:
χερὶς σου ἐν με δίδασκει πατρὸς λόγῳ αἰδίοιο:
οὕτως γὰρ διδάσκει σοὶ χαριέντα λέγων.

Nemo Deū vel nosse potest vel rite docere,
Ipse nisi Doctor sit maneatq; Deus:
Tu nos ergo doce summi patris vnice Fili:
Te duce discemus dicere grata tibi.

*Cum autem transito Iordane
Elias & Helisæus iter institutum
vnà ingressi, sermones dulcissimos,
& ex ardenti pectore vtrinq; pro-
fectos conferrent: ecce angeli Se-
raphim, lucis Diuina radijs ful-
gentes, & amore Dei ac ecclesie
ardentes, specie quadrigarum, &
equitum flammeorū, (sicut postea
etiam Helisæum, in oppido Dotha-
im à Syris obsessio eadem specie ap-
parentes,*

A

parentes,

parentes custodiam) Heliam senem ludimagistrum, longo tempore in terrarum orbe, multis pedestribus itineribus defatigatum, et perpetuas exagitationes, curas, labores molestiasq; plurimas expertum, avehentes ad iucundissimam vitam et gloria in caelis aeterna quietem traducunt.

Mirandum hoc videns Eliseus spectaculum, postremum compellans praecceptorem, encomio & elogio, brevis quidem, sed admodum nervoso & illustri, celebrat paternam fidem & sollicitudinem diligentiamq; singularem, quam in regendis & ornandis Ecclesijs et Scholis adhibuerat: Pater mi (inquit)

quit) pater mi, currus & auriga
Israël: qui tuo consilio, pietate, sa-
pientia & autoritate Ecclesiam et
Rempublicam Israëlis potissimum
gubernasti.

Est enim pij discipuli, agnosce-
re & celebrare grata mente &
voce preceptorum beneficia &
labores, & amissione eorundem
dolere: quemadmodum Heli-
sæus ob amissum Heliam ve-
stimenta sua primum (ut sole-
bant Israëlitæ) in magna ani-
mi perturbatione, scindit, deinde
recolligens se, leuat de terra palli-
um Helix, et Helix Deo precibus
ardentissimis (Ijs enim non præ-
missis

missis eidem idem tentanti non
succesit) inuocato, Iordanem pallio
Eliæ diuisit: quo etiam pallio sui
præceptoris σφάλματα et nauos textit:
quemadmodū Iaphetus et Semus
patris sui errata & lapsus conte-
xerunt. Nam et Elias, etsi mul-
tarum scholarum fuit rector: ta-
men homo fuit, & humani à se ni-
hil alienum putare, humano more
decipi & labi potuit. Sicut nul-
lus in toto orbe terrarum, præfer-
tim excellentium gubernatorū et
doctorum, unico Dei filio excepto
ἀναπάστῃ & fuit, qui non alicubi à
recto tramite descruerit, ac vacil-
lauerit, si modò non planè, ut Je-
remias & Aaron, lapsus sit.

Vni-

Vnicuique dedit vitium natura creato:
Qui non peccârit non fuit vllus homo.

Posteaq̄ igitur discipulus præceptoris successit: ut initio obsequens
Et grauius discipulus fuit: ita iam
fidelis et diligens præceptor euadit,
Et curam fouendi Et propagandi
veram de Deo doctrinam Et pietatis
studia Ecclesie Reiq̄ pub.
necessaria præcipuam suscipit, Et
in scholis ingenia Et mores adolescentum
ipse erudit Et regit, Et
quomodo ab aliis etiã erudiantur
Et regantur inquirit. Primum
autem Vniuersitatem Hierichunticam
inuisit, vbi Theologiae studiosi fuerunt
non pauci, qui auditores Et filij
Prophetarum tunc vocabantur, vbi fontē
amarum,
seu

seu amaras & austeras aquas,
asperso sale in dulces & salubres
mutat. Quae pulcherrimam refe-
runt scholarum imaginem. Nam
iuxta paremiam: Radices litera-
rum amarae, et austeras earum ini-
tia: fructus verò dulcissimi sunt
& iucundissimi. Dulces verò et
iucundi sunt sale sapientiae aspersi,
cum succum virtutemq; et potenti-
am verbi Diuini usu percipimus,
& ad disciplinarum liberalium
intellectionem et penetralia perue-
nimus. Ipsa etiam FONTIS
appellatio admonet, Verè artes et
nominari et esse fontes omnium in-
vita bonorum: & Scholam me-
diocriter constitutam, angustum
et pe-

et perennē fontem esse, ex quo tres
rivi sapientiæ & utilitatum am-
plissimarū: primus in Ecclesias et
Scholas, alter in aulas & politias,
tertius in œconomias ac priuatas
domos redundant. Et nomen loci
Academia in Hiericho à ריח Ri-
ah, ab odore et fragrantia balsami,
quod ibi maxima fertilitate nasci-
tur, vel à suauissimo Rosarū odore
deriuant, sicut rosæ Iericho in sen-
tentiis Syracida mentio fit: ubi
splendidum & dulcissimum, (cap.
24.) sapientiæ de Deo in Ecclesia
populi Israël certis illustribusq; te-
stimoniis patefacta & propagata
encomium extat, quo pulcherrimi-
s figuris ac similitudinibus flo-
rens

rens Ecclesia & ministerium ver-
bi Divini in populo Israël institu-
tum, & inde in omnes gentes pro-
pagatum depingitur: Quo cœlum
plantatur & fundatur terra, ut
succrescat in sublime vera reli-
gio, sicut cedrus Libani & sicut
cyparissus in monte Hermon, &
velut palmæ posita in irriguo, &
quemadmodum planta rosei pro-
lata in Hiericho.

Qualem statum Ecclesie &
ministerii verbi cœlestis, unâ cum
optimarum artium & studiorum
cultura ubere, cum in hac etiam
nostra Hiericho seu urbe Rosarū,
ad littus Balthicum hoc tempore
videamus, merito letamur, Deoq;
maxi-

maximo eidemq³ optimo, pro cœ-
lesti hoc horto, plantulis rectè De-
um agnoscentibus et celebrantibus
consito, & suavisimum odorem
veræ agnitionis & invocationis
Dei longè lateq³ spargente, quo
nulla Persicorum regum paradisi
amēniores fuerunt: gratias reue-
renter agimus, adiunctis ardenti-
bus votis, ut hunc saluberrimum
& in primis necessarium verbi
sui & artium bonarum, earun-
demq³ fructuum sanctissimorum
& pulcherrimorum odorem in
hac Balihici littoris Sarepta nobis
perpetuum seruet.

Sed iam cum Heliseo in oppi-
dum Bethel, tribus miliaribus ab

B

Hie-

Hierosolyma distans progrediamur: quam Luzam antea dictam Iacob, Dominum stantem in scala, & angelos Dei ascendentes & descendentes eo in loco videns Bethel primus appellavit, cum insigni exclamatione: VERE HÆC EST DOMVS DEI, ET PORTA COELI. Hanc urbem priusquam ingreditur Heliseus, à proteruis ac petulantibus & impiis adolescentulis derisus & illusus, conuitis indignissimis proscinditur: sic, ut nec aetatis, nec dignitatis vel meritorum venerandi senis, qui eo tempore praecipuus studiorum pietatis rector erat, à scurris & sycophantis istis ratio haberetur: quem senem, canum,

Calpurnius
num, fatuum, beaunum & beano-
rum patrem vocarunt. Ita enim
mundus et aliqui ingrati in Aca-
demiis scholastici excipere pios &
bene meritos de scholis viros so-
let, et hanc mercedem illis soluere,
de qua senex ille, apud Comicum
elegantissimum, Hoc (inquit) fru-
cti pro labore fero, odium. Item:
Mene seruasse, ut essent, qui me
perderent. Sed probra hac &
ignominia, conuitorumq; poena,
in conuitiatorum caput recidit.
Cum enim Helisus respexisset,
motus improbis et insanis eorum
clamoribus, maledixit eis in su-
premi et iustissimi vindicis nomi-
ne, ob contemtionem non tantum

cani capitis sed etiam & quidem
praecipue functionis sacrosanctae,
qua filij prophetarum h. e. doctri-
nae caelestis studiosi (quos paterno
amore & fide, ut pater filios ex se
natos diligebat) ab ipso regebantur.
Egressi igitur duo ursi de saltu di-
laniarunt quadraginta duos con-
vitiatores. Usque adeo execratio-
nes preceptorum et parentum ratae
sunt, & cum gravissimo pondere,
& iustissimo Dei, qui non irride-
tur, iudicio coniunctae. Sed Elise-
us nihilominus pergit, minime
fractus probris, ἐμμελής τῶν πεκα-
τέων, ἀμελής δὲ τῶν περὶ αὐτῶν λογοποιεμένων.
Non enim ei, qui alijs in schola
docendis & regendis praest, quic-
quam

quam suscipiendum est ea precipue de causa, ut mundi gratiam venetur, nec quicquam ob mundi ingratitude, quod rectum sit, et officij ratio exigat, omittendum. Ideo hic Rector Eliseus Scholis & Ecclesijs Israëliticis, & omnibus quibus debet, & potest, servit & prodest, & piis lectionibus atq; exercitiis utilibus & sacris psalmis harmonijsq; musicis spiritum Dei in se exuscitat, & vaticinia edit, totiq; exercitui sitiienti salubrem pluviam à Deo exorat. Omnis enim, qui animis hominum ambrosiam verbi cœlestis et virtutis nectar insinuat & instillat, instar pluvie fecunda & salutaris est.

Post-

Postmodò paupercula vidua &
orphanis pij sacerdotis, ad eas alie-
num soluendum, auget oleum &
miseris afflictisq; tempestiuè sub-
uenit, sicut mandatum est: Esto
pater orphano, & matri illius vi-
duæ patronus: tunc eris filius al-
tissimi, et DEVS diliget te magis
quàm diligit te mater tua. Quid
verò potest promitti maius amo-
re Dei tanto erga nos, qui superet
maternam, *σοφρὴν*, quæ est longè
ardentissima.

Et grauisissimi illius ac huma-
nissimi de Beneficentia et dilectio-
ne præcepti exemplum nobis Eli-
seus est:

ἄριστος, χιλῶν, πατὴρ τε καὶ λιμὴν Ἰσραὴλ
πενήσι, γυμνοῖς, ὀρφανοῖς, τοῖς ἐν ζάλῃ.

Panis, vestis, pater et portus esto
Esurientibus, nudis, orphanis,
& tempestate erumnarum, ia-
ctatis.

Etsi autem ex gubernatoribus
hic scholæ rector in aulis suorum
regum, et oppidis regni Israel pau-
cissimos fautores et amicos habet:
tamen à Deo amico fidissimo &
optimo non planè deseritur, qui de
nidulo commodo & hospitio bene-
fico, præter omnium maleuolorum
& maledicorum voluntatem, ipsi
& scholis ipsius prospicit, eumq;
umbra manus suæ, tantisper do-
nec cursum vitæ à DEO tributū
absoluat, benignè protegit ac de-
fendit. DEI igitur auxilio & be-
B 4 nigni-

nignitate fretus labores vocatio-
nis constanter ac sedulo urget He-
liseus et aliquanto post Gilgalim,
ubi collegium Theologicum cen-
tum studiosorum fuit, ad eorum
mores & studia inspicienda acce-
dit, cum magna ibidem annona
caritas esset, qua ingratitude
mundi, amplissimam pecuniam
in luxum conuiuorum, vestium,
aliosq; usus prophanos effunden-
tis potius, quam paucis coronatis
studia literarum et scholarum re-
ditus augentis, plectere Deus iu-
stissimus solet.

Horum pietatem et fidem He-
liseus explorans, an pietatis amore
& gloria Diuina causâ potius,
quam

quàm commodorum huius vitæ et
ventris gratiâ studiosi illius colle-
gij, doctrinæ cœlestis studia co-
lant? parcio rem victum ijs appo-
nendum curat, hanc quoq; ob caus-
sam, ut vires ingenij & intentio-
nem in studijs ac inuocatione, quæ
obruui & extinguui nimia ingluvie
& intemperantia solet, tenuiore
dieta discipulis aleret & conser-
uaret. Nam crapula onustum
corpus mentem quoq; pręgrauat
ipsâ atq; affigit humi Diuinæ par-
ticulam auræ, ut sermō Horatij
verbis utar, et Græcus Menandri
versus celebratur: *παχῆα γαστήρ λέ-
λλον ἔτιχθη νόον.* Exiguo igitur ac
tenui commeatu studiosos suos pa-
B 5 scit,

scit, ac ut famem sedent, ad herbas in agro colligendas famulum ablegat, cuius ignorantia & negligentia scholasticos illius loci uniuersos ferme perdidisset. Cum enim coloquintidas, seu agrestes cucurbitas minuisset, easq; domino & preceptore suo insciente ad ignem admotas, nimis celeriter scholasticis apposuisset famelicis, (Quia fames & mora bilem in nares conciuunt) hi gustantes obsonium, statim vim veneni deprehenderunt. A rectore igitur & preceptore Heliseo consilium & auxilium postulant. Qui ex mala victus ratione periclitantibus, presenti remedio opem fert, ac in-

spersa

Spersa farina cibi vitium corrigit,
et ex insuavi mortiferoq³ suave et
vniuersum efficit ferculum: Quæ
denuo pulcherrima Christiana A-
cademia imago est. Esu enim
pulmenti acerbi, tenuitatis, inopia,
odij, molestiarum plerisq³ præce-
ptoribus & discipulis piis & labo-
riosis hominibus sustinendarum
& deuorandarum admone-
mur. Pariter etiam docemur
DEI bonitate cæcus discipulum
& docentium licet exiguas aut
nullas opes habeant, tamen ali &
defendi, atq³ è multis vitæ pericu-
lis sæpenumero, imò quotidie libe-
rari. Preparemus igitur nos ad
sufferendas vitæ difficultates, &
statio-

stationem nostram Deo, qui suam
nem curis miscet amariciem, com-
mendemus. Eo iuvante γλυκύπι-
κρον amarum dulce euadet, &
grata superueniet, que non spera-
bitur, hora. Sed ad historiam re-
deo, ut à Gilgali hunc Rectorem
cum studiosis digredientem con-
spiciamus, qui, propter frequenti-
am discipulorum, ludum literari-
um ampliat et ad vicini fluminis
ripam in locum patentiorem tra-
ducit. Ecce enim inquit disci-
puli, locus in quo habitamus,
angustus est: edificemus nobis
domum ad Iordanem.

Obsequitur Eliseus votis ca-
rissimorum filiorum. Sed nec il-
le lo-

le locus planè vacuus omnib. mo-
lestis, nec tutus ab insidiis fuit.
Rex enim Syria Helisæum perse-
quitur, & Satrapis imperat, ut e-
um capiant, Verum à partibus
propheta mons plenus equorum et
curruum igneorum apparet: ita
ut Deus nobis in huius Rectoris
adolescencie, defensione & prote-
ctione, tanquam in illustri typo o-
stendat, se multa millia angelo-
rum presidiariorum ordinare, qui
excubias pro incolumitate et salu-
te piorum preceptorum & disci-
pulorum agant, eosq; aduersus ra-
biem, insultus & vim tyranno-
rum tueantur. Hæc sanè ingens
gloria est nostrorum cælium, mi-
lites

lites & exercitus angelicos ad no-
stra incedere latera. & cum in
schola sedemus, nos non solum in-
ter aequales sedere, sed unà versa-
ri purissimos & casto amore Dei
et nostri flagrantes angelos. Hos
spectatores esse studiorum nostro-
rum & custodes corporum. Hi
nos comitantur in auditoriū, assi-
dent unà, & nos reducunt. Hoc
sodalitium certè nos vereri decet,
quod quidem mirificam volupta-
tem capit ex assiduitate discenti-
um, et castis moribus ac sermoni-
bus, & Deo predicat nostra stu-
dia, eiq; nos commendat. Qua-
re cauendum nobis est, ne vel in-
ertia nostrà, vel malis moribus
hos

hos vigilantissimos custodes offendamus, & à nobis abigamus. His flammeis cateruis cinctus Helisæus non armis se munit, sed precibus copias hostium se obsidentes animis & oculis priuatas, intra Samaria mœnia in Israëlitarum regis potestatem, velut verus Hercules Gallicus, deducit.

Nec verò iam victor Helisæus & triumphator, fundendi sanguinis autor est regi Israëlitarum, sed vitam captiuus & libertatem denuo impetrat.

Esi autem tanto beneficio, victoria illustri absque vlla cade & sanguine paria, regem Israël affecerat: plurimus hostis tamen,

men, in sine laborum pro fide & beneficiis huius praestantis ludi magistri, odium, maledicta, & caedem relaturus, sicarios subornat, qui & togatis latrociniis, iniquis criminationibus, submissis accusatoribus, falsis suspicionibus irritato regis animo eum infestent, & caput ab humeris auulsum Propheta praecidant. Sic enim inquit Rex: Haec mihi faciat Dominus & haec addat, si steterit caput Elisai super ipsum hodie. Praefectus etiam regius fidiissimi vatis orationem, qua populi animos, in annonae caritate maxima utilitatem maximam promittens, consolatur & erigit super-

superbè illud & conuitijs proscin-
dit. Ideoq; centaurus ac cyclops
iste in porta urbis altero die (ut
vates illi prädixerat) populi com-
pressu eliditur & enecatur; cum
Deus votis Propheta locum re-
linquens, urbi Samaria & toti
ditioni, tempore ingentis famis,
tam miraculosè, tam copiosè sub-
ueniret. Deinde cum ob peccata
populi alia famis ingrauesceret,
hospita Sunamis, gratitudinis ho-
spitis sui, fructum percipit: qui e-
am pramonet, ut in aliam regio-
nem se conferat. Ita omne bene-
ficium, imò haustus frigida, &
quidem vocola consolationem
habens, qua in Christi nomine

C

Scho-

Scholis & Ecclesijs declaratur,
mercede & premio non carebit.
Tandem spiritu præsentiens popu-
lum ob ingratitude[m] et contem-
tum cœlestium bonorum horribi-
liter puniendum & deuastandum
esse, toto pectore ingemiscit, et mœ-
rens amarissimas Elisas fundit
lacrymas. Nam licet multi ex po-
pulo et proceribus ipsi obtrectatio-
nibus et maledicentia molestissimi
et valde iniurijs essent, nihilominus
eorũ causa paternè sollicitus, arden-
ter pro ipsis orat, & posteaq̃ Iehu
regem ad præscriptum vocis Diui-
nae per ministrum unctio[n]e inau-
gurasset, multosq̃ utiles & saluta-
res Ecclesie inuenes ad ministeriũ
Euan-

Euangelij & salutis doctrinae propagationem instituisset ac conformasset, annos iam circiter septuaginta, imminenti bello & futura calamitati præripitur, & ad patres suos in pace & quiete (ut verbis scripturae utar) colligitur.

Hæc de optimo & fidelissimo Rectore Scholæ Heliseo, pro tempore, breuiter in præsentia commemorare volui.

Nunc filio Dei supremo & perpetuo omnium piarum Academicarum Rectori gratias merito agimus, quod sicut ad ripam Iordanis, in Hiericho, Bethela, & Gilgali ciuitatibus, Ecclesia, & piis studiis olim a-

liquandiu hospitium praeuit : sic
ad V Varnouij ripam, doctrinae
coelestis optimarumq³ artium stu-
dia (qua Ecclesiae rei³ publicae
praesidio & ornamento sunt) in
hac urbe iam annos 166. seruat,
custodit, tuetur, & tranquilla
halcyonia huic Balthici littoris
Sarepta clementissimè impertit.
Deinde etiam illustrissimorum
Principum & Dominorum, Du-
cum Megapolitanorum, Prin-
cipum vetustae gentis Heneta, Co-
mitum Suerinensium, Domino-
rum Rostochij et Stargardia etc.
Principum Dominorumq³ no-
strorum clementissimorum, ut &
prudentissimi huius ciuitatis Se-
natus


natus liberale patrociniū, &
ingens beneficium debita cum
subiectione & gratitudine agno-
scimus & predicamus: quòd
hanc Scholam clementer beni-
gneq; fouent & promouent, de
eadem preclare mereri, verè
gloriosum sibi rectè iudicantes:
Qui in magnifici Domini Recto-
ris & Academiae honorem, Cel-
situdinis ipsorum loco, & ordinis
Senatorij nomine, strenuos, &
generis & animi nobilitate præ-
stantes Consiliarios, amplissimosq;
& prudentissimos Consules in-
teresse huic renunciationi, suaq;
Clementia & bonitatis erga
hanc Academiam, & iudicij
C 3 de bo-


de bonis literis honorifici illustre testimonium ostendere uoluerunt. Quorum omnium tum absentium tum presentium incolumitatem & prosperitatem, ut à filio Dei summo Principe & Rectore piarum scholarum impetremus, atque adeo prototius Academia, & Ecclesie patrieq; uniuersa conseruatione, felicitate & incremento pia uota faciamus, queso, ut pro solemni laudatoq; more huius scholae, unà iam mecum in vicinum templum uos conferatis, & communi ac ardenti inuocatione, noui Rectoris magistratum, & omnium qui domicilia

lia ac templa vera agnitionis
Dei & officinas ac gymnasia
necessaria & salutaris generi hu-
mano doctrinae omniumq; virtu-
tum, amant et propagant, vitam
et salutem, ac vos ipsos Serua-
tori maximo optimoq;
commendetis.

D I X I.







Fm
4303^{1/2}



bonis literis honorifici illu-
re testimonium ostendere vo-
erunt. Quorum omnium tum
sentum tam presentium in-
lunitatem & prosperitatem,
à filio Dei summo Princi-
& Rectore piarum schola-
m impetremus, atque adeo
totius Academiae, & Ecclesie
trisque uniuersa conseruatione,
licitate & incremento pia vo-
faciamus, queso, ut pro so-
nni laudatoque more huius scho-
vna iam inecum in vicinum
nplum vos conferatis, &
mmuni ac ardenti inuoca-
re, noui Rectoris magistra-
re, & omnium qui domici-
lia

